

Bosna i Hercegovina  
Federacija Bosne i Hercegovine  
KANTON SARAJEVO - OPĆINA HADŽIĆI  
- Općinsko vijeće -

---



**PROGRAM RADA  
JEDINSTVENOG OPĆINSKOG ORGANA UPRAVE  
OPĆINE HADŽIĆI ZA 2010. GODINU**

---

Hadžići, marta 2010. godine

Na osnovu člana 15. Zakona o principima lokalne samouprave u F BiH („Službene novine F BiH“, broj: 49/06) i člana 38. Statuta Općine Hadžići („Službene novine Kantona Sarajevo“, broj: 15/09), Općinski načelnik, na redovnoj 16. sjednici Općinskog vijeća Hadžići, održanoj dana 30.03.2010. godine, p o d n o s i

**PROGRAM RADA  
JEDINSTVENOG OPĆINSKOG ORGANA UPRAVE  
OPĆINE HADŽIĆI ZA 2010. GODINU**

Programske aktivnosti Jedinstvenog općinskog organa uprave Općine Hadžići zasnivaju se na zakonskim ovlaštenjima, izvornim i prenesenim nadležnostima, procjenama do kojih se došlo analizom ostvarenih rezultata u 2009. godini, realizacijom programa kapitalnih investicija i utvrđenim prioritetnim aktivnostima mjesnih zajednica na području Općine Hadžići, te na Programu rada Općinskog vijeća Hadžići.

Posebne aktivnosti će biti usmjerene na stvaranju još povoljnijeg ambijenta za privlačenja i ulaganja domaćih i stranih investicija i time pokušati ublažiti eventualne negativne refleksije recesije.

Poboljšanje stanja u oblasti komunalne infrastrukture i saobraćaja nastavit će se kroz realizaciju kapitalnih projekata, izgradnje i rekonstrukcije vodovoda i kanalizacije, javne rasvjete, te izgradnjom, rekonstrukcijom i održavanjem cesta.

Zbog globalne ekonomske krize i predloženog Nacrta Budžeta Kantona Sarajevo za 2010. godinu, planirane aktivnosti se neće moći realizovati potrebnom dinamikom kod realizacije započetih kapitalnih projekata (nova osnovna škola u Hadžićima, ambulanta u Tarčinu, multimedijalna sala u Hadžićima), projekti infrastrukture i dr.

Kako bi sve zadatke izvršili u planiranim rokovima kontinuirano ćemo raditi na poboljšanju organizacije i funkcionisanja općinske uprave u skladu sa Standardom ISO 9001:2008. Cilj nam je poboljšati stepen rješavanja predmeta u roku, povećati stepen zadovoljstva korisnika naših usluga i unaprijediti vještine uposlenika kontinuiranom obukom.

U cilju stvaranja pretpostavki i afirmisanja mladih stručnih kadrova obezbijedit ćemo uslove za otvaranje novih pripravničkih i volonterskih radnih mjesta.

U drugom dijelu Programa iskazani su planirani poslovi za 2010. godinu po oblastima.

**1. OBLAST PRIVREDE I FINANSIJA**

**1.1. PRIVREDA**

U skladu sa zakonskim propisima rješavat će se predmeti po zahtjevima stranki iz oblasti samostalnog privređivanja i poljoprivrede, gdje će se primjenjivati: Zakon o obrtu, Zakon o trgovini, Zakon o ugostiteljsko-turističkoj djelatnosti, Zakon o unutrašnjem cestovnom prometu i Zakon o uvjetima i načinu obavljanja djelatnosti rezanja drveta.

Nastaviti aktivnosti primjene Zakona o obrtu i korištenja instalisanog informacijskog programa od strane Federalnog ministarstva razvoja, poduzetništva i obrta.

U skladu sa prenesenim nadležnostima sa Stručne inspeksijske komisije za utvrđivanje poslova za početak obavljanja privrednih djelatnosti Kantona Sarajevo, općinski organ će nastaviti izdavanje rješenja o ispunjavanju uvjeta o minimalnoj tehničkoj opremljenosti poslovnih prostora za obavljanje trgovine na malo i veliko i ugostiteljske djelatnosti i takođe, te vršiti ovjeru cjenovnika i normativa za ugostiteljsku djelatnost.

Nastaviti aktivnosti vezano za Projekat upisa u registar poljoprivrednih gazdinstava u FBiH. Ovaj projekat radi se na nivou općina i njegova primjena je počela 01.01.2009. godine. Federalno ministarstvo je preuzelo obavezu edukacije općinskih službenika i obezbjeđenje tehničke potpore.

U saradnji sa organizacijom UNDP, nastaviti započete aktivnosti koje se odnose na razvoj poljoprivrede na području Općine Hadžići.

Prema Programu rada Općinskog vijeća Hadžići pripremiti Informaciju o stanju poljoprivrede i Informaciju o samostalnom privređivanju i privredi Općine Hadžići.

U saradnji sa Misijom OSCE u BiH vodit će se aktivnosti na izradi Strategije razvoja Općine Hadžići za period 2010. - 2014. godina.

## 1.2. FINANSIJE

Prema Programu rada Općinskog vijeća Hadžići za 2010. godinu, iz oblasti finansija, pristupiti će se izradi dokumenta, i to:

- Budžet Općine Hadžići za 2010. godinu i projekcija budžeta za 2011 i 2012 godinu - prijedlog
- Odluku o izvršavanju Budžeta Općine Hadžići u 2010. godini - prijedlog
- Izvještaj o izvršenju Budžeta Općine Hadžići za period 01.01.-31.12.2009. godine
- Informacija o izvršenju Budžeta Općine Hadžići za period 01.01.-31.03.2010. godine
- Izvještaj o izvršenju Budžeta Općine Hadžići za period 01.01.-30.06.2010. godine
- Informacija o izvršenju Budžeta Općine Hadžići za period 01.01.-30.09.2010. godine
- Budžet Općine Hadžići za 2011. godinu i projekcija budžeta za 2012. i 2013. godinu - nacrt
- Budžet Općine Hadžići za 2011. god. i projekcija budžeta za 2012. i 2013. godinu - prijedlog
- Odluka o izvršavanju Budžeta Općine Hadžići za 2011. godinu - prijedlog.

U zavisnosti od potrebe usklađivanja prihoda i rashoda sa planom budžeta za tekuću godinu, pripremiti će se izmjene i dopune budžeta.

U toku godine pripremati će se i dostavljati mjesečne i ostali izvještaji prema Ministarstvu finansija Kantona Sarajevo, Federalnom zavodu za statistiku, Upravi za indirektno oporezivanje i drugim subjektima po njihovom zahtjevu.

## **2. OBLAST PROSTORNOG UREĐENJA I URBANIZMA**

U oblasti prostornog uređenja i urbanizma će se, pored redovnih poslova na rješavanju zahtjeva građana, obavljati i poslovi proistekli iz Programa rada Općinskog vijeća.

U ovoj oblasti nastaviti saradnju sa nadležnim kantonalnim i federalnim ministarstvima, drugim općinskim službama, Zavodom za planiranje razvoja Kantona Sarajevo, Zavodom za izgradnju Kantona Sarajevo, Zavodom za zaštitu kulturnog i prirodno – historijskog nasljeđa, javnim komunalnim preduzećima i drugim organizacijama i institucijama.

1. Upravno – pravni poslovi:
  - Uvjerenja po članu 169. i 170. Zakona o upravnom postupku („Službene novine Federacije BiH“, broj: 2/98, 48/99),
  - Upravno – pravni poslovi (rješenja – urbanistička saglasnost, odobrenje za građenje, upotrebna dozvola i ostala rješenja koja su propisana Zakonom o prostornom uređenju („Službene novine Kantona Sarajevo“, broj: 7/05).
2. Aktivno učešće u donošenju izmjena i dopuna postojećih propisa i izradi novih propisa;
  - Podnijeti zahtjev za zaštitu na lokalnu samoupravu Ustavnom sudu Bosne i Hercegovine, a vezano za Odluke o proglašenju područja posebnih namjena Igman, Bjelašnica, Treskavica, Kanjon Rakitnice (Visočica);
  - Aktivno učestvovati u izmjenama i dopunama Odluke o provođenju Prostornog plana Kantona Sarajevo za period 2003. do 2023. godine, izraditi u grafičkom i tekstualnom obliku sve prijedloge izmjena uz obrazloženje i balansom površina
3. Provedbeno – planska dokumentacija

Nastaviti aktivnosti na donošenju provedbenih planova koji su započeti u kalendarskoj 2008/2009. godini, i to:

- Urbanistički projekat „Sara – company“ – Benzinska pumpa Binježevo
  - Urbanistički projekat „Lato“ – Benzinska pumpa Tarčin
  - Regulacioni plan „Bosnić polje“
4. Pripremanje i opremanje građevinskog zemljišta – lokacije za buduću izgradnju
    - Vjetroelektrane – lokalitet Ivan sedlo – od istraživanja do odobrenja za građenje
    - Konkursi – pripremanje i opremanje građevinskog zemljišta za objavljivanje konkursa
    - Obračun troškova uređenja građevinskog zemljišta
  5. Aktivno učešće u pripremi i izradi projektnih zadataka glavnih projekata komunalne infrastrukture

Nastaviti raditi na izradi projektnih zadataka za planirane projekte infrastrukture, u skladu sa prostorno – planskom i provedbenom dokumentacijom.

### **3. OBLAST IMOVINSKO – PRAVNIH POSLOVA, GEODETSKIH POSLOVA I KATASTAR NEKRETNINA**

U oblasti imovinsko – pravnih poslova, geodetskih poslova i katastra nekretnina obavljaju se poslovi i zadaci koji se odnose na vođenje najstroženijih upravnih postupaka u rješavanju imovinsko – pravnih odnosa na nekretninama, terenski poslovi oko mjerenja i snimanja nekretnina, te davanje stručnih nalaza za rješavanje imovinsko – pravnih odnosa, održavanje premjera i planova katastra nekretnina, upis posjedovnog stanja na nekretninama, ažuriranje geodetskog elaborata u svrhu provođenja Zakona o zemljišnim knjigama.

#### **3.1. IMOVINSKO – PRAVNI POSLOVI**

U oblasti imovinsko – pravnih poslova u 2010. godini planira se sljedeće:

Vođenje upravnih postupaka koji se odnose na rješavanje imovinsko – pravnih odnosa na građevinskom zemljištu po zahtjevu stranke ili po službenoj dužnosti primjenom Zakona o građevinskom zemljištu, Zakona o eksproprijaciji i drugih zakona i podzakonskih akata koji prate oblast rješavanja imovinsko – pravnih odnosa i to:

- dodjela građevinskog zemljišta krajnjim korisnicima u svrhu planirane gradnje putem javnog konkursa ili neposrednom pogodbom,
- utvrđivanje prava vlasništva na zemljištu pod zgradom i zemljištu koje služi redovnoj upotrebi zgrade u korist vlasnika zgrade,
- davanje saglasnosti na promet nedovršene zgrade,
- utvrđivanje prestanka državnog vlasništva na građevinskom zemljištu koje nije privedeno namjeni u skladu sa prostornim planom, a u državno vlasništvo je prešlo na osnovu odluke Općine,
- preuzimanje neizgrađenog građevinskog zemljišta po ponudi ranijeg vlasnika,
- rješavanje imovinsko – pravnih odnosa radi postupaka legalizacije bespravno izgrađenih objekata individualne stambene izgradnje,
- ostvarivanje prava stvarnih služnosti na građevinskom zemljištu,
- provođenje postupaka rješavanja imovinsko – pravnih odnosa putem eksproprijacije nekretnina,
- vođenje postupaka određivanja pravične naknade fizičkim i pravnim licima u postupcima preuzimanja zemljišta i eksproprijacije nekretnina,
- rješavanje zahtjeva za eksproprijaciju nekretnina, a vezano za projekat izgradnje dionice saobraćajnice Koridora 5C,
- rješavanje zahtjeva za denacionalizaciju zemljišta,
- rješavanje zahtjeva za cijepanje parcela i uplanjenja objekata,
- pokretanje postupaka za napuštanje uzurpiranog državnog zemljišta. Postupci će biti usmjereni na zemljište koja predstavljaju pojas lokalnih puteva i drugih infrastrukturnih objekata,

#### **3.2. GEODETSKI POSLOVI I KATASTAR NEKRETNINA**

Kao i u dosadašnjem periodu, općinski organ će obavljati sve poslove za koje je nadležan: poslove iz oblasti geodezije, poslove koji se tiču zaštite zemljišno knjižnih prava i drugih

imovinskih prava Općine koja su vezana za nekretnine, poslove vezane za sticanja nekretnina u korist Općine, poslove vezane za utvrđivanja statusa državnog zemljišta i druge poslove.

U tom smislu će se redovno obavljati slijedeći poslovi :

- Provođenje promjena na nekretninama u katastarskom operatu, prema broju promjena dostavljenim od Gruntovnice
- Poslovi vezani za donošenje i provođenje parcelarnih planova
- Snimanje objekata
- Identifikacija parcela
- Izdavanje kopije katastarskih planova i KK izvodaka
- Vještačenje po pozivu suda
- Održavanje digitalnog katastarskog plana

U okviru zaštite zemljišno - knjižnih prava i drugih imovinskih prava Općine koji su vezana za nekretnine, poduzimati slijedeće aktivnosti:

- Obezbjediti dokumentaciju i obraćati se Pravobranilaštvu Kantona Sarajevo sa ciljem zaštite prava Općine u sudskim postupcima u kojima je Općina tužena strana.
- Utvrđivati eventualne povrede zemljišnoknjižnih prava i drugih imovinskih prava Općine, te u slučajevima indiciranih povreda prava Općine, bezbjediti će potrebnu dokumentaciju i provoditi radnje potrebne za ostvarivanje povrijeđenih prava. U tom smislu, prije pokretanja sudskih postupaka, obezbjediti potrebne pretpostavke za rješavanje spornih pitanja na drugi način (sporazumno sa indiciranim vinovnicima povrede prava), te u slučaju da ne uspije u tom cilju, predlaže Pravobranilaštvu Kantona Sarajevo pokretanje sudskih postupaka u kojima će Općina kao tužitelj ostvarivati svoja zemljišno knjižna i druga imovinska prava.
- Poslovi vezani za sticanje nekretnina u korist Općine u svrhu privođenja namjeni građevinskog zemljišta, u 2010. godini biće usmjereni na pribavljanje zemljišta u Hadžićima (Regulacioni plan „Centar Hadžića“). Poslovi su započeti i biće nastavljeni u smislu obezbjeđivanja kupovine nekretnina (izgrađeno zemljište) od vlasnika, fizičkih lica

Pratiti zakonsku regulativu iz imovinsko pravne oblasti, te nadležnim organima predlagati njeno poboljšavanje, obzirom da je u praksi zabilježena nepovoljna situacija u tom pogledu.

U 2010. godini planirati poboljšanje nivoa kvaliteta pružanja usluga katastra, time što će se izvršiti ažuriranje geodetske mreže, čime će poboljšati vjerodostojnost podataka geodetskog premjeravanja, kao i stavljanje digitalnih podataka na raspolaganje trećim licima putem interneta.

#### **4. OBLAST RAZVOJA, INVESTICIJA I STAMBENO – KOMUNALNIH POSLOVA**

##### **4.1. STAMBENA OBLAST**

1. Nastavak aktivnosti na sanaciji krovova i fasada na objektima kolektivnog stanovanja u saradnji sa Ministarstvom stambenih poslova Kantona Sarajevo.
2. Pružiti pomoć građanima da učestvuju na svim konkursima dodjele sredstava za obnovu i izgradnju stambenih jedinica - kroz sve vidove administrativne podrške;

3. Pomoći implementaciju projekata koje rade humanitarne organizacije na području Općine Hadžići;
4. U skladu sa Zakonom, izvršiti preuzimanje stanova nad kojima nije izvršen povrat, a koji se vraćaju u nadležnost Općine.
5. Poduzeti sve neophodne radnje oko pripremanja lokacija za novu stanogradnju.

#### 4.2. KOMUNALNA OBLAST

1. Izgradnja vodovoda
  - a) Nastavak izgradnje vodovoda Ušivak – Bjelotine - Matići.
  - b) Nastavak izgradnje vodovodnog sistema Miševići
  - c) Nastavak rekonstrukcije i izgradnje vodovodnog sistema Mehina Luka Tarčin - Kazina Bara
2. Izgradnja kanalizacije
  - a) Nastavak izgradnje kanalizacionog sistema Kućice, Grivići, Vrančići Drozgoetva, Selimovići, Koščan
  - b) Izgradnja dijela kanalizacionog sistema Mostarsko raskršće
  - c) Izgradnja dijela kanalizacionog sistema Obrovac
3. Nastavak regulacije vodotoka na području Općine
4. Nastavak izrade projektne dokumentacije kanalizacionog sistema na području Općine
5. Izdavanje odobrenja za korištenje i prokopavanje javnih površina, kao i o promjenama naziva ulica.

#### 4.3. PUTNE KOMUNIKACIJE

Programom rada za 2010. godinu, shodno budžetskim prihodima planirana je izgradnja i rekonstrukcija slijedećih puteva:

- a) Putevi na kojima se odvija gradski saobraćaj
  1. Nastavak rekonstrukcija i sanacija ulice Hadželi.
  2. Rekonstrukcija i izgradnja dojela puta za naselje Ljubovčići
  3. Rekonstrukcija puta za Ušivak
- b) Asfaltiranje i sanacija lokalnih puteva: put Binježevo ( Džapići, Isići Čate); put Luke dio prema tunelu; put Trzanj /Kovaći/; put Beganovi – Lihovci; put u ulici 5. april; put Brezovačka – Igmanska; put Brezovačka-Žunovačka; pute Jeleč; put Kučkovići; put Grivići - zaseok Kore; Novo naselje kod Remontnog zavoda; ulica 12 Hercegovačke brigade i Ban brdo; ogranci puteva u Garovcima; ulica Igmanska dio kroz Gačanoviće; put Miševići ogranci iza Šaminog gaja; put Miševići ogranci kod kombi okretaljke i put Miševići ogranci iza restorana Centar BiH;
- c) Realizacija ugovorene II faze saobraćajnice unutar obuhvata RP Centar Hadžići
- d) Nastavak radova na izgradnji dijela puta Ban brdo - Mahića vikendica
- e) Izrada projektne dokumentacije za puteve
- f) Sitne intervencije na putevima po zahtjevima mjesnih zajednica.

#### 4.4. ELEKTROSNABDIJEVANJE

Pružati svu neophodnu pomoć Elektrodistribuciji da realizuje planirane projekte sanacije i izgradnje distributivne mreže na području Općine Hadžići, a što je predviđeno Planom investicionih projekata za 2010. godinu.

INVESTICIONI PROJEKTI ELEKTRODISTRIBUCIJE SARAJEVO NA PODRUČJU OPĆINE HADŽIĆI ZA 2010. g.

Godina	Kod	Naziv objekta	%	Faza realizacije	Ukupno KM	Napomena
2010	UKB10(20)	10 kV DV TARČIN – IVAN SEDLO	18	REVIZIJA PROJEKTNE DOKUMENTACIJE	367.332,66	
2010	UKB10(20)	UKB 10(20)kV KARAOSMANOVIĆI	45	ZAVRŠENA PRIPREMA	23.599,00	
2010	STS	STS 10(20)/0,4 kV KAZINA BARA	18	REVIZIJA PROJEKTNE DOKUMENTACIJE	27.519,35	
2010	UKB10(20)	UKB10(20) KAZINA BARA	35	PRIKUPLJANJE DOKUMENTACIJE ZA PREDAJU ZAHITJEVA GD/SANACIJU	15.315,98	
2010	NNM	NNM KAZINA BARA	0	NJE ZAPOČETA PRIPREMA	52.868,37	
2010	KB10(20)	KUĆICE x2	10	IZRADA PZ (PROJEKTOG ZADATKA)	40.501,00	
2010	UKB10(20)	10 kV DV TARČIN – IVAN SEDLO( II faza )	55	REALIZACIJA UGOVORA	187.270,00	
2010	UKB10(20)	IVAN SEDLO- BRADINA	18	REVIZIJA PROJEKTNE DOKUMENTACIJE	129.669,36	
2010	UKB10(20)	TARČIN(BUDMOLIĆI)- TRZANJ	18	REVIZIJA PROJEKTNE DOKUMENTACIJE	281.288,51	
2010	UKB10(20)	OTCJEP ORMANJ- ZOVIK	18	REVIZIJA PROJEKTNE DOKUMENTACIJE	85.359,45	
2010	UKB10(20)	OTCJEP ZA TARČIN- OTCJEP ZA BUDMOLIĆE	12	PRIPREMA UGOVORA ZA PROJEKTOVANJE I RADOVE	61.000,00	
2010	STS	STS 10-20/0,4 kV BUDMOLIĆI 2 (1776)	15	IZRADA PROJEKTNE DOKUMENTACIJE	30.023,36	
2010	UKB10(20)	10(20) kV PRIKLJUČAK ZA STS BUDMOLIĆI 2 (1776)	15	IZRADA PROJEKTNE DOKUMENTACIJE	20.969,04	
2010	STS	STS 10(20)/0,4 kV UŠIVAK 3	95	PREDAT ZAHTEJ ZA TEHNIČKI PREGLED I UPOTREBNU DOZVOLU	21.832,02	EBRD
2010	KBTS	BAN BRDO	95	PREDAT ZAHTEJ ZA TEHNIČKI PREGLED I UPOTREBNU DOZVOLU	71.859,00	EBRD
2010	KB10(20)	BAN BRDO	95	PREDAT ZAHTEJ ZA TEHNIČKI PREGLED I UPOTREBNU DOZVOLU	30.935,00	EBRD
2010	STS	STS 10(20)/0,4 kV VUKOVIĆI 2-DŽANIĆI	94	PRIKUPLJANJE DOKUMENTACIJE ZA TEHNIČKI PREGLED I UPOTREBNU DOZVOLU	22.500,00	
2010	UKB10(20)	UKB 10(20)kV VUKOVIĆI 2-DŽANIĆI	94	PRIKUPLJANJE DOKUMENTACIJE ZA TEHNIČKI PREGLED I UPOTREBNU DOZVOLU	26.108,00	
2010	NNM	TP BUDMOLIĆI 2 (1776)	94	PRIKUPLJANJE DOKUMENTACIJE ZA TEHNIČKI PREGLED I UPOTREBNU DOZVOLU	69.075,63	EBRD
2010	STS	STS 10(20)/0,4 kV SUHI DO 1	94	OBRAČUN R.N	16.000,00	

2010	UKB10(20)	UKB 10(20)kV SUHI DO 1	94	OBRAČUN R.N	11.000,00	
2010	NNM	TP VUKOVIĆI 2-DŽANIĆI	90	GEODETSKO SNIMANJE	40.000,00	
2010	UKB10(20)	UKB 10(20)kV MIŠEVIĆI 5	80	IZVOĐENJE ELEKTROMONTAŽNIH RADOVA	27.082,35	EBRD
2010	NNM	TP PAZARIĆ 3 (1116)	80	IZVOĐENJE ELEKTROMONTAŽNIH RADOVA	91.296,58	EBRD
2010	NNM	TP ŠINIĆI (RAMIĆI 2)	80	IZVOĐENJE ELEKTROMONTAŽNIH RADOVA	93.000,00	
2010	NNM	TP KARAOSMANOVIĆI	80	IZVOĐENJE ELEKTROMONTAŽNIH RADOVA	124.600,00	
2010	NNM	VILOVAC-JABUKA	80	IZVOĐENJE ELEKTROMONTAŽNIH RADOVA	60.000,00	
2010	NNM	PAZARIĆ 1	80	IZVOĐENJE ELEKTROMONTAŽNIH RADOVA	166.323,58	
2010	UKB10(20)	UKB 10(20)kV UŠIVAK 3	79	ZAVRŠENI GRAĐEVINSKI RADOVI	53.586,15	EBRD
2010	UKB10(20)	UKB 10(20) kV KOŠČAN (1171)	79	ZAVRŠENI GRAĐEVINSKI RADOVI	42.412,00	
2010	NNM	TP UŠIVAK 3	50	IZVOĐENJE GRAĐEVINSKIH RADOVA	63.462,69	EBRD
2010	NNM	TP KOŠČAN (1171)	50	IZVOĐENJE GRAĐEVINSKIH RADOVA	20.000,00	
2010	STS	STS 10(20)/0,4 kV KAHRIMANI	50	IZVOĐENJE GRAĐEVINSKIH RADOVA	21.832,02	EBRD
2010	STS	STS 10(20)/0,4 kV MIŠEVIĆI 5	45	ZAVRŠENA PRIPREMA	22.196,02	EBRD
2010	STS	STS 10(20)/0,4 kV KARAOSMANOVIĆI	45	ZAVRŠENA PRIPREMA	25.888,00	
2010	UKB10(20)	KAHRIMANI	45	ZAVRŠENA PRIPREMA	12.634,03	EBRD
2010	STS	STS 10(20)/0,4 kV KOŠČAN (1171)	18	REVIZIJA PROJEKTNE DOKUMENTACIJE	22.500,00	
					<b>2.478.839,15</b>	



#### 4.5. IZGRADNJA JAVNE RASVJETE

Nastavak izgradnje ulične rasvjete na području Općine Hadžići i to u sljedećim naseljima: Vrbanja, Smucka i Opute, Kučice, Dupovci, Garovci, Brezovačka Trzno, Kučkovići, Ferhatlije, Jeleč, Igmanska cesta, Sutice, Kasatići nastavak, Miševići nastavak, Beganovi – Grude, Džanići i Vukovići.

#### 4.6. GASIFIKACIJA

Nastaviti aktivnosti na izgradnji distributivne mreže u mjesnim zajednicama MZ Hadžići i MZ Miševići.

#### 4.7. PTT SAOBRAĆAJ

Pružanje svih usluga za realizaciju projekata BH - TELEKOM-a, koji realizuju niz projekata na našoj Općini iz oblasti mobilne telefonije i upotpunjavanja fiksne telefonske mreže (rješavanje imovinskih odnosa, dodjela zemljišta itd.).

#### 4.8. IZGRADNJA OBJEKATA DRUŠTVENOG ZNAČAJA

- Nastavak izgradnje ambulante u Tarčinu
- Nastavak izgradnje nove osnovne škole u Hadžićima
- Nastavak radova na multimedijalnoj sali u Hadžićima

#### 4.9. JAVNE NABAVKE

Provoditi postupke javnih nabavki u skladu sa Zakonom o javnim nabavkama i praćenje kvaliteta izvedenih radova i izvršenih usluga, kao i nabavljenih roba.

#### 4.10. ZAŠTITA ŽIVOTNE OKOLINE

U skladu sa LEAP-om /Lokalnim ekološkim akcionim planom zaštite životne okoline/ u 2010. godini nastavit će se realizacija projekta uređenja korita rijeka i potoka na području Općine Hadžići, u cilju sprječavanja plavljenja objekata koji se nalaze uz vodotoke.

#### 4.11. OSTALO

U toku realizacije projekata sanacije i rekonstrukcije puteva na području Općine Hadžići u 2010. godini će se vršiti polaganje i rekonstrukcija infrastrukture u trupu puta u saradnji sa ovlaštenim organizacijama /JKP „Komunalac” d.o.o.Hadžići, Elektrodistribucija Sarajevo, Sarajevogas i BH Telecom/.

### **5. OBLAST OPĆE UPRAVE, ZAJEDNIČKIH POSLOVA I MJESNIH ZAJEDNICA**

U oblasti opće uprave, zajedničkih poslova, društvenih djelatnosti i mjesnih zajednica će se izvršavati i obezbjeđivati izvršenje zakona i drugih propisa, sprovođiti utvrđena politika, rješavati

u upravnim stvarima i preduzimati upravne i druge mjere za koje nije nadležna ni jedna druga općinska služba za upravu.

### 5.1. OPĆA UPRAVA, PRAVNA POMOĆ, LJUDSKI RESURSI, GRAĐANSKA STANJA

- Organizovati funkcionisanje opće uprave prilagođene potrebama građana;
- U cilju poboljšanja pružanja usluga građanima i uspješne komunikacije sa građanima uvesti nove i dopuniti postojeće servise kako na WEB stranici općine tako i kroz izradu odgovarajućih vodiča;
- Obezbjediti pružanje besplatne pravne pomoći socijalno ugroženoj kategoriji stanovnika kroz, usmene pravne savjete i upute, pismene podneske općinskim službama za pokretanje odgovarajućih postupaka, sastavljanje žalbi, prigovora, tužbi u interesu mlđb. djece;
- Razvijati pravilnu politiku upravljanja ljudskim resursima kroz uspostavljanje nove organizacije i sistematizacije radnih mjesta, spojiti srodne i slične poslove te time obezbjediti maksimalnu zaposlenost svih uposlenika tokom radnog vremena;
- Osigurati vođenje evidencije o ličnim stanjima građana;
- U postupku implementacije projekta biometrijskih pasoša provoditi mjesečno edukaciju matičara po usvojenom planu edukacije nadležne službe za 2010. godinu, uz odgovarajuće osiguranje lokacije izdavanja dokumenata o ličnim stanjima građana i obezbjeđenja tehnoloških uslova za identifikacione provjere u matičnim knjigama rođenih i knjigama državljana, te elektronske obrade istih na zahtjev nadležnog MUP-a za izdavanje ličnih isprava;
- Nastaviti sa informatizacijom i unapređenjem radnih uslova uposlenika općine;
- Poboljšanje postojećih softverskih rješenja i uvođenje novih programa po ukazanoj potrebi u pojedinim službama;
- Nabavka i ugradnja novih servera, obzirom da su, značajnim povećanjem procenta korištenja računara, postojeći postali najveća kočnica mreži i bržem rješavanju
- Obezbjediti stručnu administrativnu pomoć u radu savjeta svih MZ sa područja Općine sve u cilju unapređenja uslova života građana;
- Pripremiti prijedlog Informacije o postupku i rezultatima recertifikacije Sistema upravljanja kvalitetom prema novoj normi ISO 9001:2008;
- Pripremiti prijedlog Informacije o unutrašnjoj organizaciji i stanju kadrova organizacije službi za upravu;

### 5.2. OBLAST DRUŠTVENIH DJELATNOSTI

Poslovi društvenih djelatnosti su određeni Zakonom o osnovnom odgoju i obrazovanju, Zakonom o sportu, zakonom o javnim ustanovama, Planom, Statutom Općine, Odlukom o obrazovanju i djelokrugu Jedininstvenog općinskog organa uprave, Pravilnikom o unutrašnjoj organizaciji službi za upravu i drugim podzakonskim aktima.

Prilikom izrade programa rada u oblasti društvenih djelatnosti vodilo se računa da se konceptiranje sadržaja rada približi koncepciji Godišnjeg plana i programa Prosvjetno – pedagoškog zavoda, vodeći računa o zajedničkim potrebama i ciljevima obrazovno – odgojnih

ustanova kada je u pitanju područje obrazovanja i odgoja, te iskazanim potrebama građana Općine Hadžići i njihovih udruženja kada je u pitanju područje kulture, tehničke kulture i sporta.

### 5.2.1. OBRAZOVANJE

U oblasti obrazovanja će se pratiti rad osnovnih škola, proučavati stanje u svim osnovnim školama, a posebno školama kao javnim ustanovama u obimu koji je zakonom prenesen na općinske organe, predlagati mjere za poboljšanje uslova rada u školama sa područja Općine i starati se o njihovoj realizaciji, te raditi na poboljšanju prostornih i materijalnih uslova u obrazovnog odgojnim ustanovama.

Takođe će se pratiti razvoj stanja i odvijanje obrazovnog procesa i na ostalim stupnjevima obrazovanja u cilju praćenja cjelokupnog obrazovno odgojnog procesa.

Aktivnosti će se odvijati po slijedećoj dinamici:

- saradnja sa Prosvjetno – pedagoškim zavodom Kantona Sarajevo po pitanju načina i uslova provedbe općinskih takmičenja učenika osnovnih škola, te realizacija istih, odnosno praćenje uspjeha učenika na višim nivoima takmičenja,
- aktivnosti na implementaciji plana sprječavanja maloljetničke delikvencije,
- učešće u obilježavanju značajnih datuma i događaja,
- manifestacije povodom obilježavanja 6. marta – Dana Općine Hadžići,
- manifestacija „Učenik generacije“ – prijem kod Općinskog načelnika
- analiza izvještaja o uspjehu učenika o uspjehu i vladanju
- praćenje upisa učenika u prve razrede
- praćenje rada predškolskih ustanova
- aktivno uključivanje u raspravu prilikom inoviranja nastavnih planova i programa, pedagoških normativa, te zakonskih propisa za predškolske ustanove, osnovne i srednju školu,
- rad na pripremi i izradi normativni akata i zaključaka Općinskog načelnika koji se odnose na oblast obrazovanja, kulture i sporta, te praćenje njihove primjene
- saradnja sa predškolskim ustanovama, osnovnim i srednjim školama na području Općine, te Kantonalnim ministarstvom za obrazovanje i nauku, Ministarstvom za kulturu i sport, Prosvjetno – pedagoškim zavodom
- nastavak realizacije projekta za otvaranje Osnovne muzičke škole u Hadžićima

### 5.2.2. KUTLURA I SPORT

U ovoj oblasti prioritetno će se raditi na stvaranju pretpostavki za okupljanje djece i omladine, i s tim u vezi rad na afirmaciji kulture i sporta odvijat će se kroz slijedeće aktivnosti:

- pripremanje, organizovanje i provođenje takmičenja učenika osnovnih škola iz oblasti kulture i sporta na nivou Općine i to:
  - takmičenje osnovnih škola u sportu i kulturi po kalendaru Prosvjetno – pedagoškog zavoda,
  - takmičenja i aktivnosti učenika povodom obilježavanja Dana Općine i drugih značajnih datuma i događaja u oblastima sporta i kulture,

- pripremanje, organizovanje i provođenje kulturno – sportskih manifestacija u povodu Dana Općine,
- pripremanje, organizovanje i provođenje manifestacije „Hadžićko ljeto“
- praćenje smotri i takmičenja na kantonalnim, državnim i međunarodnim nivoima u koja budu uključeni učenici osnovnih škola sa područja Općine, kao i udruženja iz domena kulture,
- uspostavljanje saradnje sa svim subjektima koji se bave aktivnostima na zadovoljavanju potreba iz kulturno – zabavnog iz sportskog života kao što su osnovne škole, srednja škola, mjesne zajednice, kulturno – umjetnička društva, sportska udruženja, narodna tehnika, Crveni križ kao i ostala udruženja.

### 5.2.3. INFORMISANJE

U oblasti informisanja su primarni slijedeći zadaci:

- Pripremanje materijala i drugih informacija za printane i elektronske medije, web stranicu Općine i drugih brošura u cilju blagovremenog informisanja građana;
- Adekvatna i djelotvorna koordinacija sa svim sredstvima informisanja, predstavnicima printanih i elektronskih medija, koji mogu ili pokazuju interes za praćenje rada Općinskog vijeća i Općinskog načelnika, odnosno svih bitnih dešavanja na području Općine Hadžići;
- Praćenje ugovorenih aktivnosti medijskih kuća TV Kantona Sarajevo i MTV „Igman“ – radio Hayat Pazarić;
- Uređivanje web stranice Općine;
- Uređivanje Biltena Općine;
- Uređivanje i drugih materijala (letci, brošure) za propagiranje određenih projekata, aktivnosti i manifestacija.

### 5.3. MJESNE ZAJEDNICE

Poslovi mjesnih zajednica će zbog svoje specifične uloge koja se sastoji u pružanju usluga građanima na terenu, pružanje usluga drugim službama (Općine, Kantona), planiranje, organizovanje i sprovođenje aktivnosti za realizaciju potreba građana preko organa i tijela MZ, kako je to definisano u Pravilima MZ, odnosno Statutom Općine, biti usmjereni na:

- organizovanje radnog procesa kojim će sekretari mjesnih zajednica uvijek biti dostupni i na usluzi građanima, dali potrebne informacije ili primili zahtjeve o kojima treba upoznati nadležne službe koje će rješavati po tim zahtjevima. Sekretari mjesnih zajednica će svakodnevno obilaziti teritoriju mjesne zajednice, evidentirati probleme i potrebe, te o istim obavijestiti nadležne službe. Rad sa strankama je u toku cijelog radnog vremena. Sekretari mjesnih zajednica će i nakon radnog vremena biti na raspolaganju savjetima mjesnih zajednica, kako bi se realizovale sjednice i zborovi građana,
- saradnju organa mjesnih zajednica sa vijećnicima Općinskog vijeća i komisijama Općinskog vijeća. Saradnja je stalna i nastaviti će se u 2010. godini. Voditi će se zajedničke aktivnosti prema građanima i udruženjima građana sa vijećnicima i članovima komisija Općinskog vijeća. U prostorijama mjesnih zajednica zajedno sa savjetima mjesnih zajednica organizovat će se zborovi građana na kojima će biti one teme koje su od značaja za život i rad građana, pa će na taj način građani biti i bolje informisani i uključeni u donošenje budućih odluka. Na

ovaj način, smatramo, će se čuti i uzeti u obzir građanske inicijative koje su opravdane i bitne za život građana,

- saradnju sa javnim komunalnim preduzećima, koja će biti stalna radi brzog i adekvatnog rješavanja nastalih problema na terenu. Preko sekretara mjesnih zajednica pratit će se aktivnosti ovih preduzeća na terenu i reagovati u pogledu odvoza smeća, održavanja vodovodne i kanalizacione mreže, snabdijevanja domaćinstava vodom, strujom, plinom i PTT uslugama, sanacija putnih komunikacija, funkcionisanje gradskog prevoza, te ambulantno liječenje građana (s posebnim osvrtom na zbrinjavanje i socijalnu zaštitu starih iznemoglih lica – samaca). Svi prikupljeni podaci sa terena će se pravovremeno registrovati i odaslati nadležnim službama na rješavanje,
- saradnju sa Policijskom upravom, koja će, pored uobičajenih aktivnosti, biti intenzivirana u 2009. godini kroz različite vidove aktivnosti na sprečavanju i suzbijanju kriminaliteta i drugih oblika narušavanja javnog reda i mira na području Općine i šire. S tim u vezi, kroz projekat „Rad policije u zajednici“, u koji su uključene sve mjesne zajednice, biće organizovan niz edukativnih predavanja u cilju uključivanja građana u sprečavanje i suzbijanje kriminaliteta i poštivanje javnog reda i mira. Kroz ovaj projekat planiran je koordinirani rad PU, savjeta MZ, nevladinih organizacija, nadležnih službi i institucija koje se bave edukacijom djece i omladine, kako bi se uključili u kampanju edukacije i smanjenja korištenja alkohola i opojnih droga.

## **6. OBLAST BORAČKO – INVALIDSKE, SOCIJALNE I ZDRAVSTVENE ZAŠTITE, IZBJEGLIH I RASELJENIH LICA**

Poslovi iz oblasti boračko – invalidske, socijalne i zdravstvene zaštite, izbjeglih i raseljenih lica će se izvršavati u skladu sa federalnim i kantonalnim propisima, Statutom Općine i drugim pozitivnim zakonskim propisima.

### **6.1. BORAČKO – INVALIDSKA ZAŠTITA**

- Primjena i praćenje propisa u oblasti boračko – invalidske zaštite, izvršenje i osiguranje zakonitosti u navedenoj oblasti, sa akcentom na Zakon o provođenju kontrole zakonitosti korištenja prava iz oblasti boračko – invalidske zaštite,
- Saradnja sa nadležnim federalnim i kantonalnim ministarstvima i drugim institucijama, NVO, boračkim udruženjima,
- Koordinacija rada sa boračkim udruženjima Općine Hadžići, sa akcentom na provođenju aktivnosti na realizaciji Kalendara obilježavanja značajnih događaja i ličnosti u Općini Hadžići,
- Ažuriranje baze podataka Fonda memorijala o spomen obilježjima,
- Ažuriranje baze podataka ostvarenih prava po Zakonu o dopunskim pravima,
- Priprema – obrada Informacija o stanju u oblasti boračko – invalidske zaštite, položaja članova šehidskih porodica i porodica poginulih i nestalih boraca, RVI i demobilisanih boraca.

### **6.2. DJEČIJA ZAŠTITA I ZAŠTITA CŽR-a**

- Primjena i praćenje propisa iz oblasti dječje zaštite i zaštite CŽR-a (sa težištem aktivnosti na obnovi dječjeg dodatka i revizije porodične invalidnine CŽR-a),

- Ažuriranje postojeće baze programa „SOTAC“;
- Saradnja sa službama socijalne zaštite – Centar za socijalni rad,
- Priprema Informacije o ostvarivanju dječje zaštite i zaštite CŽR-a.

### 6.3. RASELJENA LICA I IZBJEGLICE

- Primjena i praćenje propisa iz oblasti raseljenih lica i izbjeglica,
- Saradnja sa nadležnim ministarstvima
- Dovršetak započetog projekta ZP – 09.

## 7. OBLAST CIVILNE ZAŠTITE

### 7.1. NORMATIVNI, PLANSKI I PROGRAMSKI DOKUMENTI

- Vršiti ažuriranje Procjene ugroženosti od prirodnih i drugih nesreća,
- Vršiti ažuriranje Programa razvoja zaštite i spašavanja od prirodnih i drugih nesreća,
- Vršiti ažuriranje Plana zaštite i spašavanja od prirodnih i drugih nesreća;
- Donijeti Program rada Općinskog štaba civilne zaštite,
- Donijeti Odluku o ličnoj i materijalnoj formaciji štabova, jedinica, povjerenika civilne zaštite i službi zaštite i spašavanja u skladu sa okvirnim ličnim i materijalnim formacijama štabova, jedinica i povjerenika civilne zaštite i službi zaštite i spašavanja koje je donio direktor Federalne uprave civilne zaštite.

### 7.2. POPUNA STRUKTURA CIVILNE ZAŠTITE

- Formirati službe zaštite i spašavanja,
- Vršiti ažuriranje popune jedinica opće i specijalizovane namjene (uslov provođenja ove aktivnosti je donošenje propisa o načinu popune i vođenja evidencije od strane Federalne uprave civilne zaštite),
- U skladu sa nastavnim planovima Federalne uprave civilne zaštite vršiti obuku štabova i povjerenika civilne zaštite.

### 7.3. MJERE ZAŠTITE I SPAŠAVANJA

- Sklanjanje ljudi i materijalnih dobara – U skladu sa usvojenim petogodišnjim Programom razvoja zaštite i spašavanja, inicirati izradu projekta sanacije skloništa u ulici Hadželi br. 54 i njegovu sanaciju,
- Radiološka, hemijska i biološka zaštita - Zahtijevati od Zavoda za javno zdravstvo Federacije BiH i Federalne uprave civilne zaštite rezultate monitoringa o stanju radioaktivnosti u krugu Tehničkog remontnog zavoda Hadžići i kasarne „Žunovnica“.
- Zaštita i spašavanje od rušenja i klizanja tla - Kontinuirana saradnja sa Zavodom za izgradnju Kantona Sarajevo i preduzimanje zakonom propisanih mjera za ovu oblast.
- Zaštita od poplava - Izvršiti obilazak riječnih korita i inicirati rješavanje uočenih kriznih tački.
- Zaštita od požara : implementacija Zakona o zaštiti od požara i vatrogastvu; unapređenje saradnje sa Vatrogasnim društvom „Tarčin“; obnoviti zahtjev Kantonalnoj upravi za

šumarstvo i „Sarajevo-šumama“ d.o.o. Sarajevo za stavljanje u funkciju svih protivpožarnih puteva, a posebno Trnčići – Dragovići, Šinici – Kraljevac – Lihovci i Suhodol – Sevid.

Kontinuirano ostvarivati saradnju sa subjektima iz oblasti vatrogastva, te putem operativnog centra uspostaviti komunikaciju sa osmatračnicama.

- Zaštita od minsko-eksplozivnih i neeksplozivnih ubojnih sredstava: nastaviti aktivnosti na iznalaženju sredstava za deminiranje i trajno obilježavanje minskih polja; nastaviti aktivnosti rješavanja minske situacije na prostoru bivše kasarne „Žunovnica“; kontrolisati stanje obilježenosti ugroženih površina, vršiti obilježavanje prijavljenih neeksplozivnih ubojnih sredstava i koordinaciju na njihovom zbrinjavanju; preduzimati mjere po zahtjevima građana i pravnih lica za utvrđivanje stanja bezbjednosti lokacija od ugroženosti minsko-eksplozivnim sredstvima; Informacija o ugroženosti područja općine Hadžići minsko-eksplozivnim i neeksplozivnim ubojnim sredstvima.

Nastaviti će se aktivnosti na preventivnom djelovanju po pitanju svih mjera zaštite i spašavanja utvrđenih u Zakonu o zaštiti i spašavanju ljudi i materijalnih dobara od prirodnih i drugih nesreća. Obzirom da je Služba civilne zaštite samo dio sistema zaštite i spašavanja, u realizaciji određenih mjera biće neophodna saradnja i drugih subjekata na realizaciji mjera zaštite i spašavanja.

#### 7.4. OSTALE AKTIVNOSTI

1. Vršiti objavljivanje obavještenja putem sredstava javnog informisanja o postupcima građana u slučaju pronalaska minsko - eksplozivnih i neeksplozivnih ubojnih sredstava kao i u slučajevima prijetećih opasnosti bilo kojih prirodnih ili drugih nesreća.
2. Vršiti implementaciju zakonskih i podzakonskih propisa koji se odnose na segment zaštite i spašavanja, te onih propisa koje donosi Općinsko vijeće i nadležne strukture civilne zaštite.
3. Pružati stručnu pomoć iz segmenta zaštite i spašavanja pravnim licima čija je redovna djelatnost od značaja za zaštitu i spašavanje. Vršiti izradu materijala za sjednice Općinskog štaba civilne zaštite.

### **8. OBLAST INSPEKCIJSKOG NADZORA U OBLASTI URBANIZMA I GRAĐENJA**

#### 8.1. URBANISTIČKO – GRAĐEVINSKA INSPEKCIJA

Urbanističko – građevinska inspekcija će u 2010. godini voditi postupak nadzora po prijavama građana i po službenoj dužnosti nad izgradnjom objekata na području Općine Hadžići, a naročito nad bespravnom izgradnjom. Ova inspekcija će voditi postupak inspeksijskog nadzora u skladu sa Zakonom o upravnom postupku Federacije („Službene novine F BiH“, broj:2/98 u 48/99), Zakonom o prostornom uređenju Kantona Sarajevo („Službene novine Kantona Sarajevo“, broj: 7/05), Odlukom o legalizaciji građevina izgrađenih bez odobrenja za građenje i građevina privremenog karaktera („Službene novine Kantona Sarajevo“, broj: 18/07 i 18/08), Statutom Općine Hadžići i ostalim zakonskim propisima.

Služba za inspekcijske poslove će izvršiti produženje ugovora sa KJKP „Rad“ Sarajevo, kao izvođačem radova na uklanjanju bespravno izgrađenih objekata za 2010. godinu.

Urbanističko – građevinska inspekcija će vršiti uklanjanje bespravno izgrađenih objekata za koje je okončan upravni postupak, a investitor nije sam uklonio bespravno izgrađeni objekat. Uklanjanje će se vršiti putem izvođača radova KJKP „Rad“ Sarajevo.

Pripremiti informaciju o bespravnoj izgradnji za Općinsko vijeće u junu 2010. godine, a prema Programu rada Općinskog vijeća.

Pripremiti izvještaj o radu Službe za inspekcijske poslove u decembru 2010. godine, a prema Programu rada Općinskog vijeća i Općinskog načelnika.

## 8.2. KOMUNALNA INSPEKCIJA

Komunalni inspektor će u 2010. godini vršiti poslove i radne zadatke iz oblasti komunalne inspekcije po prijavama građana i po službenoj dužnosti, a prema Zakonu o komunalnim djelatnostima u Kantonu Sarajevo („Službene novine Kantona Sarajevo“, broj: 31/04).

Redovno će informisati Općinsko vijeće, pripremiti Informaciju iz komunalne oblasti po Programu rada vijeća za septembar 2010. godine.

### **OSTALI POSLOVI**

- praćenje važećih zakonskih i podzakonskih propisa, donošenje novih propisa i dopuna istih, te staranje o njihovoj blagovremenoj primjeni,
- donijeti Odluku o organizovanju Jedinственог općinskog organa uprave i stručnih službi Općine Hadžići,
- donijeti Pravilnik o unutrašnjoj organizaciji Jedinственог općinskog organa uprave Općine Hadžići,
- praćenje rada udruženja na području Općine i pružanje istim stručne i pravne pomoći,
- nastaviti aktivnosti u Savezu općina i gradova F BiH,
- nastaviti međuopćinsku i međunarodnu saradnju na uspostavljanju i razvijanju odnosa u cilju upoznavanja, zbližavanja, razmjene iskustava u oblasti lokalne uprave, privrede, kulture, sporta i turizma,
- nastaviti održavanje postojeće računarske opreme, kao i nabavka potrebne nove opreme, održavanje i ažuriranje programskih rješenja koja se koriste u radu općinskog organa, kao što su: e-matičar, program menadžer i web aplikacije,
- saradnja sa vjerskim institucijama sa područja Općine,
- raditi na pripremi i izradi materijala za Općinsko vijeće,
- zajednički poslovi obuhvataju pružanje usluga općinskim službama i Općinskom vijeću, održavanju objekata i opreme Općine, te druge operativno – tehničke poslove,
- stalno ažurirati Centralni birački spisak kroz bazu podataka CIPS-a i Centralne izborne komisije,



- raditi na poboljšanju organizacije i funkcionisanja Jedinственog općinskog organa uprave u skladu sa Standardom ISO 9001:2008, a sve u cilju poboljšanja stepena rješavanja predmeta i povećati stepen zadovoljstva korisnika našim uslugama.

\*  
\*   \*

Program rada Jedinственog općinskog organa uprave Općine Hadžići usklađivat će se redovno sa Programom rada i odlukama Općinskog vijeća, kao i sa odobrenim budžetskim sredstvima za 2010. godinu.

Dosljedno će se i dalje provoditi politika Općine u skladu sa odlukama Općinskog vijeća i osiguravati primjena odluka i drugih akata Općinskog vijeća.

Broj: 02-05.2-2993/2010.  
Hadžići, 30.03.2010. godine

OPĆINSKI NAČELNIK

Hamdo Ejubović, dipl.ing.maš.